

431

Na osnovu člana 71. stav 1. tačka 2. Zakona o vodama ("Službene novine Federacije BiH", broj 18/98), Vlada Federacije Bosne i Hercegovine na prijedlog Federalnog ministarstva poljoprivrede, vodoprivrede i šumarstva, donosi

ZAKLJUČAK

O POKRETANJU KONCESIONOG POSTUPKA ZA HIDROENERGETSKO KORIŠTENJE SLIVA RIJEKE LJUTE, OPĆINA KONJIC

1. Federalno ministarstvo poljoprivrede, vodoprivrede i šumarstva će, u saradnji sa nadležnim institucijama općine Konjic, provesti koncesioni postupak za hidroenergetsko korištenje sliva rijeke Ljute.
2. Predmet koncesionog postupka je korištenje vodnih snaga sliva rijeke Ljute u svrhu proizvodnje električne energije saukupnom instalisanom snagom od 8,8 MW, koja će se ostvariti izgradnjom niza malih hidroelektrana (MHE), kako je utvrđeno "Studijom hidroenergetskog iskorištenja sliva rijeke Ljute" izrađenom od strane "E" - Energoinžinjeringa Sarajevo.
3. Hidroenergetsko korištenje sliva rijeke Ljute po ovom postupku će biti realizovano po sistemu DBOT (projektovanje- izgradnja-korištenje-prenos) i odnosi se na izgradnju MHE i svih pratećih hidroenergetskih objekata uključujući i finansijska sredstva za otkupe i odštete koje su u funkciji izgradnje objekata i prostora akumulacije, tehnički prijem objekata, probni rad i komercijalni pogon u periodu trajanja koncesionog perioda i predaju i prijenos objekata po isteku istog.
4. Vrijeme trajanja koncesionog perioda i godišnji iznos naknade za predmetnu namjenu će, u skladu sa Uredbom o koncesijama na vodama i javnom vodnom dobru ("Službene novine Federacije BiH", broj 8/2000) biti utvrđeni kroz ugovor o koncesiji koji će Federalno ministarstvo poljoprivrede, vodoprivrede i šumarstva u saradnji sa nadležnim institucijama općine Konjic potpisati sa korisnikom kome predmet koncesionog postupka bude dodijeljen.
5. Naknada za korištenje predmetne koncesije je prihod Budžeta Federacije Bosne i Hercegovine.
6. Kroz ugovor o hidroenergetskom korištenju sliva rijeke Ljute Federalno ministarstvo poljoprivrede, vodoprivrede i šumarstva će jasno istaći uslov obezbjeđenja biološkog minimuma rijeke Ljute kao i prioritarnu namjenu vrela rijeke Ljute za vodosnabdijevanje u skladu sa dokumentima vodoprivrednog razvoja.
7. Ovaj zaključak objavit će se u "Službenim novinama Federacije BiH".

V broj 296/2000 2. novembra/studenog 2000. godine Sarajevo

Premijer Edhem Bičakčić, s. r.